

აბაშის, ზუგდიდის, მარტვილის, მესტიის, სენაკის, ჩხოროწყუს, წალენჯიხის, ხობის, ქალაქ ზუგდიდისა და ქალაქ ფოთის მუნიციპალიტეტებში სახელმწიფო რწმუნებულთან - გუბერნატორთან არსებული სამხარეო საკონსულტაციო საბჭოს სხდომის

ოქმი № 8

ქ. ზუგდიდი

08 აგვისტო 2017 წ.

რეგისტრაციის გავლის მიხედვით სხდომას ესწრებოდა საბჭოს 31 წევრიდან 24 წევრი. სხდომა უფლებამოსილია შეუდგეს მუშაობას.

სხდომას ესწრებოდნენ:

1. კობა ქანთარია - სახელმწიფო რწმუნებულის - გუბერნატორის პირველი მოადგილე, სახელმწიფო რწმუნებულის - გუბერნატორის მოვალეობის შემსრულებელი;
2. მამუკა კვიციანი - აბაშის მუნიციპალიტეტის გამგებელი;
3. პაატა ქურდოვანიძე - აბაშის მუნიციპალიტეტის საკრებულოს თავმჯდომარე;
4. გელა ხოშტია - აბაშის მუნიციპალიტეტის საკრებულოს თავმჯდომარის მოადგილე;
5. ლაშა გოგია - ზუგდიდის მუნიციპალიტეტის გამგებელი;
6. მაიზურ ნანავა - ზუგდიდის მუნიციპალიტეტის საკრებულოს თავმჯდომარე;
7. ლაშა ადგიშვილი - ზუგდიდის მუნიციპალიტეტის საკრებულოს თავმჯდომარის მოადგილე;
8. ალექსანდრე გრიგალავა - მარტვილის მუნიციპალიტეტის გამგებელი;
9. ალექსი გაბისონია - მარტვილის მუნიციპალიტეტის საკრებულოს თავმჯდომარე;
10. ვარლამ ქაჯაია - მარტვილის მუნიციპალიტეტის საკრებულოს თავმჯდომარის მოადგილე;
11. გოჩა დგებუაძე - სენაკის მუნიციპალიტეტის გამგებელი;
12. ზადრი კალანდარიშვილი - სენაკის მუნიციპალიტეტის საკრებულოს თავმჯდომარის მოადგილე;
13. ბესიკ ესებუა - ჩხოროწყუს მუნიციპალიტეტის საკრებულოს თავმჯდომარე;
14. კობა ჯიქია - ჩხოროწყუს მუნიციპალიტეტის საკრებულოს თავმჯდომარის მოადგილე;
15. სევერიანე შეროზია - წალენჯიხის მუნიციპალიტეტის გამგებლის მოვალეობის შემსრულებელი;
16. ბესიკ ფარცვანია - წალენჯიხის მუნიციპალიტეტის გამგებელი;
17. თემურ ღვინჯილია - წალენჯიხის მუნიციპალიტეტის საკრებულოს თავმჯდომარე;
18. გონერ კვარაცხელია - წალენჯიხის მუნიციპალიტეტის საკრებულოს თავმჯდომარის მოადგილე;
19. გოჩა ქაჯაია - ხობის მუნიციპალიტეტის გამგებელი;
20. ედიშერ ჯობავა - ხობის მუნიციპალიტეტის საკრებულოს თავმჯდომარე;
21. ალექსანდრე თოფურია - ქალაქ ფოთის მუნიციპალიტეტის საკრებულოს თავმჯდომარე;
22. ირაკლი გოგობია - ქალაქ ზუგდიდის მუნიციპალიტეტის მერი;
23. ნატალია შეროზია - ქალაქ ზუგდიდის მუნიციპალიტეტის საკრებულოს თავმჯდომარე.

**სხდომის მუშაობას ესწრებოდნენ:**

1. მაკა ფიფია - სახელმწიფო რწმუნებულის - გუბერნატორის ადმინისტრაციის ადგილობრივი თვითმმართველობის ორგანოებთან ურთიერთობის სამსახურის მთავარი სპეციალისტი იურიდიულ საკითხებში (სხდომის მდივანი).
2. ნუგზარ გაბელია - სახელმწიფო რწმუნებულის - გუბერნატორის ადმინისტრაციის რეგიონული პროექტების კოორდინირების სამსახურის უფროსი.
3. ირაკლი ცანავა - სახელმწიფო რწმუნებულის - გუბერნატორის ადმინისტრაციის რეგიონული პროექტების კოორდინირების სამსახურის უფროსი სპეციალისტი.
4. ლაშა გვასალია - სახელმწიფო რწმუნებულის - გუბერნატორის აპარატის უფროსი.
5. აკაკი სარალიძე - სახელმწიფო რწმუნებულის - გუბერნატორის აპარატის უფროსის მოადგილე.
6. პაატა ლაგვილავა - სახელმწიფო რწმუნებულის - გუბერნატორის აპარატის მთავარი სპეციალისტი საზოგადოებასთან ურთიერთობის საკითხებში.

სხდომას თავმჯდომარეობა სახელმწიფო რწმუნებულის - გუბერნატორის პირველი მოადგილე, სახელმწიფო რწმუნებულის - გუბერნატორის მოვალეობის შემსრულებელი კობა ქანთარია, რომელმაც სხდომის მონაწილეებს გააცნო სხდომის

**დღის წესრიგი:**

2015-2017 წლების სამეგრელო-ზემო სვანეთის რეგიონის განვითარების სტრატეგიაში ცვლილების შეტანის მიზნით კორექტირებული სამოქმედო გეგმის განხილვისა და მოწონების თაობაზე.

დღის წესრიგის პროექტთან დაკავშირებით შენიშვნები და მოსაზრებები არ გამოთქმულა, საბჭოს წევრებმა ერთხმად დაამტკიცეს სხდომის დღის წესრიგი.

მოისმინეს: დღის წესრიგით გათვალისწინებულ საკითხთან დაკავშირებით სამხარეო საკონსულტაციო საბჭოს თავმჯდომარის ინფორმაცია, რომელმაც განმარტა, რომ რეგიონის განვითარების სტრატეგიის სამოქმედო გეგმის შემუშავების მიზნით შექმნილი სამუშაო ჯგუფის წევრების მიერ მომზადებულ იქნა 2015-2017 წლების სამეგრელო-ზემო სვანეთის რეგიონის განვითარების სტრატეგიაში ცვლილების შეტანის მიზნით კორექტირებული სამოქმედო გეგმის პროექტი, რომელსაც განსახილველად წარმოგვიდგენს სახელმწიფო რწმუნებულის - გუბერნატორის ადმინისტრაციის რეგიონული პროექტების კოორდინირების სამსახურის უფროსი ნუგზარ გაბელია.

ნუგზარ გაბელიამ აღნიშნა, რომ სამოქმედო გეგმაში ცვლილების განხორციელება ძირითადად გამოწვეულია მუნიციპალიტეტების მუშაობის პროცესში გამოვლენილი ახალი პრიორიტეტული მიმართულებებით, რამაც გამოიწვია დამტკიცებულ სტრატეგიაში (სამოქმედო გეგმა 2015-2017 წლებისთვის) დამატებით ახალი პროექტების ასახვა და არსებული პროექტების კორექტირება.

ქალაქ ზუგდიდის, ქალაქ ფოთისა და წალენჯიხის მუნიციპალიტეტების საჭიროებებიდან გამომდინარე ნუგზარ გაბელიამ საკონსულტაციო საბჭოს წარუდგინა დარგობრივი სამუშაო ჯგუფის მიერ შემუშავებული სამეგრელო-ზემო სვანეთის რეგიონის განვითარების სტრატეგიის განახლებული სამოქმედო გეგმის პროექტის ერთიანი ცხრილი (დანართი №1).

### 1. ქალაქ ზუგდიდის მუნიციპალიტეტი:

ა) „ქ. ზუგდიდის საჭადრაკოსკოლის შენობის რეკონსტრუქცია - რეაბილიტაციის პროექტი“ - საერთო ღირებულება - 350 000 ლარი;

ბ) „საგანგებო სიტუაციების კოორდინაციისა და გადაუდებელი სასწრაფო დახმარების ცენტრის პროექტი“- საერთო ღირებულება - 416 000 ლარი.

### 2. ქალაქ ფოთის მუნიციპალიტეტი:

ა) „საგანგებო სიტუაციების კოორდინაციისა და გადაუდებელი სასწრაფო დახმარების ცენტრის პროექტი“- საერთო ღირებულება - 415 344 ლარი.

### 3. წალენჯიხის მუნიციპალიტეტი:

ა) „წალენჯიხის მუნიციპალიტეტის, მუყავას ადმინისტრაციული ერთეულის ცენტრალური გზის რეაბილიტაციის პროექტი“- საერთო ღირებულება - 5 100 000 ლარი.

სხდომის თავმჯდომარემ მიმართა საბჭოს წევრებს განიხილონ წარმოდგენილი პროექტი და გამოთქვან თავიანთი მოსაზრებები.


საბჭოს წევრების მიერ განხილულ იქნა პროექტი და შენიშვნები არ გამოთქმულა.

საბჭომ იმსჯელა და გადაწყვიტა:

1. მოწონებულ იქნეს სამეგრელო-ზემო სვანეთის რეგიონის განვითარების სტრატეგიის 2015-2018 წლების განახლებული სამოქმედო გეგმა (თან ერთვის ელ.ვერსია CD დისკი სახით).
2. 2015-2018 წლების სამეგრელო-ზემო სვანეთის რეგიონის განვითარების სტრატეგიის სამოქმედო გეგმა განსახილველად წარედგინოს საქართველოს რეგიონული განვითარების სამთავრობო კომისიას.

სხდომის დღის წესრიგით გათვალისწინებული საკითხის განხილვის შედეგად სხდომის თავმჯდომარემ სხდომა გამოაცხადა დახურულად.

სხდომის თავმჯდომარე



/კ. ქანთარია/

სხდომის მდივანი



/მ. ფიფია/